



Broj: 01-02-2-1213/17
Sarajevo, 7.12.2017. godine

Na osnovu 31. i člana 61. stav 2. Zakona o upravi („Službeni glasnik BiH“, br. 32/02, 102/09 i 72/17), člana 62. Zakona o državnoj službi u institucijama Bosne i Hercegovine („Službeni glasnik BiH“, br. 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10 i 40/12), a u vezi sa članom 40. Odluke o načelima za utvrđivanje unutrašnje organizacije organa uprave Bosne i Hercegovine („Službeni glasnik BiH“, broj 30/13), te na osnovu čl. 10. i 11. Pravilnika o unutrašnjoj organizaciji Agencije za državnu službu, broj 03-02-187/05 od 15.12.2005. godine, direktor Agencije uz konsultaciju sa stručnim kolegijem, donosi

ODLUKU
o uspostavljanju i radu Pravnog savjeta
Agencije za državnu službu Bosne i Hercegovine

Član 1.
(Predmet rješenja)

Ovom odlukom utvrđuje se potreba za formiranje odnosno uspostavljanje Pravnog savjeta Agencije za državnu službu Bosne i Hercegovine (u daljem tekstu: Agencija), kao stručnog konsultativnog tijela Agencije sa ciljem davanja mišljenja i preporuka o pravnim aspektima prošlih i budućih akata Agencije kao i aktivnosti Agencije.

Član 2.
(Položaj savjeta)

Pravni savjet formira se i djeluje kao prošireni stručni kolegij Agencije (u daljem tekstu: kolegij).

Član 3.
(Sastav savjeta)

Pored svih članova kolegija, u Pravni savjet ulazi svi zaposleni ili angažovani u Agenciji koji imaju zvanje diplomiranog pravnika ili ekvivalenta (bachelor/bakalaureat prava), kao i zaposleni ili angažovani koji su završili drugo visoko obrazovanje pravnog usmjerenja ili usmjerenja koje je slično pravnom.

Član 4.
(Formiranje i rad)

Rješenjem o formiranju Pravnog savjeta će se utvrditi tačan sastav, zadaci, rad i sve drugo što je propisano u članu 40. Odluke o načelima za utvrđivanje unutrašnje organizacije organa uprave Bosne i Hercegovine („Službeni glasnik BiH“, broj 30/13), a relevantno je za rad Pravnog savjeta.

Član 5.
(Regulisanje pojedinih pitanja)

Na sva pitanja osnivanja, sastava i rada pravnog savjeta, koja nisu regulisana rješenjem iz člana 4. ove odluke, primjenit će se odredbe Poslovnika o radu stručnog kolegija Agencije.

Član .
(Stupanje na snagu)

Ova odluka stupa na snagu danom donošenja, a objavljuje se i na službenoj internet stranici Agencije.

Dostavljeno:
- oglasna tabla
- arhiva



DIREKTOR
Neven Akšamija
Neven Akšamija

Član 4.
(Sastav kolegija)

U skladu sa Pravilnikom o unutrašnjoj organizaciji Agencije, kolegij čine direktor, savjetnik direktora i pomoćnici direktora.

Član 5.
(Ostavka i prisustvo sjednicama)

(1) Član kolegija ne može podnijeti ostavku na svoje članstvo u kolegiju, osim u slučaju podnošenja ostavke na funkciju.

(2) Član kolegija dužan je prisustvovati sjednicama kolegija, osim ako je na bolovanju, godišnjem odmoru, odsustvu ili putovanju, odnosno drugim slučajevima koji opravdavaju njegovo neprisustvovanje.

(3) Direktor može odobriti odsustvovanje člana kolegija sa sjednice iz drugih opravdanih razloga.

Član 6.
(Predsjedavanje kolegijem)

(1) Sjednicama kolegija predsjedava direktor.

(2) U slučaju odsustva direktora, sjednicom predsjedava državni službenik kojeg je direktor pismeno ovlastio da ga zamjenjuje, u kom slučaju ima sva ovlaštenja direktora.

Član 7.
(Sjednice i akti kolegija)

(1) Sjednice kolegija održavaju se po potrebi.

(2) O sjednicama kolegija vodi se zapisnik, koji potpisuju direktor i sekretar.

(3) U svom radu, kolegij donosi odluke u formi zaključaka, mišljenja ili preporuka, koje se evidentiraju direktno na zapisnik, a ukoliko se to ocijeni potrebnim, može se sačiniti poseban pismeni akt koji sadržava relevantni izvod iz zapisnika.

(4) Izvršenje odluka kolegija, ukoliko je isto neophodno, vrši se donošenjem posebnih odluka direktora, općih akata, pojedinačnih akata, te drugih potrebnih akata.

Član 8.
(Kvorum i sekretar)

(1) Za rad kolegija i donošenje odluka potrebno je da sjednici prisustvuje najmanje tri člana kolegija.

(2) Odluke se donose većinom glasova članova koji su prisutni i glasaju.

(3) Član kolegija ne može se uzdržati od glasanja.

(4) Sekretara kolegija, koji učestvuje na sjednicama bez prava glasa i odlučivanja, prije svake sjednice određuje direktor iz reda državnih službenika (načelno šefova unutrašnje organizacione jedinice), a izuzetno iz reda drugih lica zaposlenih ili angažovanih u Agenciji.

Član 9.
(Pravni savjet)

(1) Na rad pravnog savjeta se primjenjuju odredbe ovog poslovnika, ukoliko Odlukom o uspostavljanju i radu Pravnog savjeta Agencije i Rješenjem o formiranju Pravnog savjeta Agencije nije drugačije regulisano.

(2) Ukoliko je neko pitanje koje razmatra kolegij izričito pravno, njega može posebno razmatrati i pravni savjet.

Član 10.
(Izmjene i dopune)

Izmjene i dopune ovog poslovnika vršit će se na način na koji je i donesen.

Član 11.
(Stupanje na snagu i objavljivanje)

Ovaj poslovnik stupa na snagu danom usvajanja, a objavljuje se na oglasnoj tabli i službenoj internet stranici Agencije.

Broj: 01-02-2-1213-2/17
7. marta 2018. godine
Sarajevo



DIREKTOR

Neven Akšamija
Neven Akšamija